

強盜

律例根原卷之五十九

原例

一 強盜殺人放火燒人房屋姦污人妻女打劫
牢獄倉庫及干係城池衙門并稽至百人以
上不分曾否得財俱照得財律斬隨卽奏請
審決梟示若止傷人而未得財比照搶奪傷

人律科斷

凡六項有一於此卽引梟示隨犯摘引所犯之事

一 凡響馬強盜執有弓矢軍器白日邀劫道路
賊證明白者俱不分人數多寡曾否傷人依

律處決於行劫處梟首示眾如傷人不得財依白晝搶奪等

人其江洋行劫大盜俱照此例立斬梟示

臣等謹按前條強盜殺人放火等項斬決

梟示次條響馬強盜斬決梟示俱係前明

舊例其傷人而未得財者兩條內俱有照

搶奪傷人律科斷等語查搶奪傷人律應

斬候為從減等擬流又強盜已行而未得

財者已於乾隆二十四年改發黑龍江為

奴名例內已有專條此二條例內傷人而

未得財者犯照搶奪傷人律斬候固屬允

當而為從之犯減首犯一等罪止滿流與

強盜已行而未得財發遣之例不符應於

兩條例內若止傷人而未得財下增入首

犯斬監候為從發遣黑龍江為奴以昭明

晰又強盜已行未傷人又未得財向來不

分首從俱發黑龍江為奴查強盜首夥各

犯分別法無可貸情有可原其傷人未得

財之犯亦分首從辦理若未傷人又未得

財情節與前二項有間例內不分首從俱行發遣殊未平允應將首犯發遣黑龍江從犯仍依律杖一百流三千里以歸允協謹將修改例文二條開列於後

修改

一強盜殺人放火燒人房屋姦污人妻女打劫牢獄倉庫及干係城池衙門并積至百人以上不分首否得財俱照得財律斬隨卽奏請

審決梟示凡六項有一於此卽引梟示隨犯擬引所犯之辜若止傷

人而未得財首犯斬監候爲從發黑龍江爲奴如未得財又未傷人首犯發黑龍江爲奴從犯杖一百流三千里

一凡響馬強盜執有弓矢軍器白日邀劫道路賊證明白者俱不分人數多寡曾否傷人依

律處決於行劫處梟首示眾如傷人不得財首犯斬監候爲

從發黑龍江爲奴如未得財又未傷人首其犯發黑龍江爲奴從犯杖一百流三千里

江洋行劫大盜俱照此例立斬梟示

原例

一捕役為盜雖非造意為首均照造意為首律擬斬立決其失察之該管官交部議處如該管官逼勒改供或捏稱革役該管上司不能查出一併交部照例議處如捕役與巨盜交結往來奉差緝拿走漏消息及非伊承緝之案漏信脫逃者不分曾否得財均照本犯之罪治罪

一承緝盜案汛兵有審係分贓通賊者均與盜賊同科若知情故縱者照窩主知情存留例

分別治罪如並末知情止係查緝不力者照不應重律科斷

臣等謹按捕役為盜及與巨盜交結漏信脫逃分別治罪係雍正九年定例又汛兵承緝盜案分贓通賊及知情故縱分別治罪係乾隆元年定例查捕役與汛兵俱係緝盜之人事同一例上條為盜及與巨盜交結言捕役而不及汛兵下條分贓通賊及知情故縱言汛兵而不及捕役自應修

併一條查防守墩卡汛兵亦易於為盜應添入以昭賅備謹將修併例文開列於後

修併

一捕役及防守墩卡並承緝盜案汛兵為盜雖非造意為首均照造意為首律擬斬立決其失察之該管官交部議處如該管官逼勒改供或捏稱革役該管上司不能查出一併交部照例議處如捕役汛兵分贓通賊及與巨盜交結往來奉差緝拿走漏消息及非伊承

緝之案漏信脫逃者不分曾否得財均照本犯之罪治罪若知情故縱者照窩主知情存畱例分別治罪如並不知情止係查緝不力者照不應律科斷

原例

一強竊盜賊到案審實先將各犯家產封記其有現獲之贓各令事主認領如不足原失之數將同時所起無主贓物賠捕餘剩者入官如仍不足再將盜犯家產變賠如該犯之父

兄弟伯叔知情分贓並另有窩家者審明治罪亦著落伊等名下追賠倘案內各盜或有並無家產以及外來之人無從封記開報者將案內盜犯及窩家有家產者除應賠本身贓物外或有餘剩概行變價代賠若諸色人典當收買贓物不知情者勿論止追原贓其價於犯人名下追徵給主倘有將無干親族及並未分贓之親屬株連賠累該督撫查叅議處

臣等謹按例內強竊盜賊現獲之贓各令事主認領外如不足原失之數將無主贓物賠補如剩者入官如仍不足將盜犯家產變價賠償若諸色人典當收買盜賊贓物不知情勿論止追原贓其價於犯人名下追徵給主等語係前明舊例又盜犯到案審實即將盜犯家產變賠如該犯之父兄等知情分贓亦著落追賠倘有並無家產又外來無從封記者將案內各盜家產

變價代賠有窩家之案窩家財產一併賠
補倘有無干株連賠累者交部議處等語
係雍正七年定例原係兩條一載名例給
沒贓物一載強盜本律乾隆五十三年修
例時因一事兩例繙閱難周將兩條修併
爲一歸入強盜門內但查後條封記家產
及著落父兄窩家等賠贓係專指強盜而
言若兩條合併將竊盜到案亦照此例封
記家產不惟紛紛擾累且恐開吏胥覬覦

捏陷之漸應仍照舊例分列兩條以免牽
混謹將修改例文二條開列於後

修改

一凡盜犯到案審實先將各犯家產封記候題
結之日將盜犯家產變賠如該犯之父兄弟
伯叔知情分贓並另有窩家者審明治罪亦
著落伊等名下追賠倘案內各盜或有並無
家產以及外來之人無從封記開報者將案
內盜犯及窩家有家產者除應賠本身贓物

外或有餘剩概行變價代賠倘有將無干親族及並未分贓之親屬株連賠累該督撫查參議處

一強竊盜賊現獲之贓各令事主認領外如強盜贓不足原失之數將無主贓物賠補餘剩者入官如仍不足將盜犯家產變價賠償若諸色人典當收買盜贓及竊贓不知情者勿論止追原贓其價於犯人名下追徵給主

原例

一凡用藥迷入已經得財之妾將起意為首及下手用藥迷人並迷竊已至二次及首先傳授藥方之犯均照強盜律擬斬立決其餘為從者俱照強盜免死減等例發黑龍江等處給披甲人為奴其有人已被迷經他人救醒雖未得財將首先傳授藥方轉傳貽害及下手用藥迷人之犯均擬斬監候入於秋審情實若甫經學習雖已合藥即行敗露或被迷之人當時知覺未經受累者均發往伊犁等

處為奴倘到配之後故智復萌將藥方傳授
與人及復行迷竊並脫逃者請

旨即行正法其案內隨行為從之犯仍各依名例定
擬

臣等謹按此條係乾隆四十三年定例嗣
於乾隆五十六年 臣部以黑龍江安置人
犯過多請將用藥迷人已經得財為從等
五項改發回城為奴纂入名例徒流遷徙
地方條下遵行在案此條發黑龍江為奴

係屬舊例應行修改又人已被迷經他人
救醒等項首犯斬候又甫經學習即行敗
露首犯發遣其案內隨行為從之犯例內
各依名例辦理係依名例內為從減一等
科斷但語意含混礙難引用應添纂明晰
合併聲明謹將修改例文開列於後

修改

一凡用藥迷人已經得財之案將起意為首及
下手用藥迷人並迷竊為從已至二次及首

先傳授藥方之犯均照強盜律擬斬立決其餘爲從者俱改發回城爲奴其有人已被迷經他人救醒雖未得財將首犯傳授藥方轉傳貽害及下手用藥迷人之犯均擬斬監候入於秋審情實若甫經學習雖已合藥卽行敗露或被迷之人當時知覺未經受累者均發往伊犁等處爲奴倘到配之後故智復萌將藥方傳授與人及復行迷竊並脫逃者請旨卽行正法其案內隨行爲從之犯仍各減一等定

擬

原例

一洋盜案內如係被脇在船止爲盜匪服役並未隨行上盜者發往回疆爲奴其雖經上盜僅止在外瞭望接遞財物並無助勢搜贓情事者改發黑龍江給打牲索倫達呼爾爲奴

臣等謹按洋盜案內被脇在船服役並未隨行上盜者發往回疆爲奴係乾隆五十九年定例又乾隆五十四年臣部遵

旨酌議洋盜案內林皮等或事後被誘上船或年未及歲被脇雞姦禁押艙內上盜時畏懼賊匿情節較輕均於遣罪上減一等杖一百徒三年等因奏准遵行在案查被脇爲盜服役之案乾隆五十七年經兩廣總督覺羅長齡奏稱盜匪行劫每將客船之舵工水手及捕魚之漁戶蛋戶搶擄過船脅逼人夥不從則死於盜從盜則死於法死於法猶待異日死於盜則在目前不得已而

爲目前之計屈身從盜情殊可憫請將被脅服役一項有能自首者免罪等因具奏經軍機大臣議駁未經准行此後臣部辦理洋盜案內被脅服役之犯如被挈獲者照例擬遣其自行投首者減等擬徒各在案臣等伏思被脅爲盜服役本係被難良民現在疊奉

恩旨凡川楚教匪內有被脅從賊自行投出者該領兵大臣剿撫兼施予以自新之路此等

盜案內被脅難民似應推廣

皇仁准其投首且被脇服役與被誘上船被脅雞
姦同一被脅而或遣或徒殊未平允應請
嗣後洋盜案內審係被脅在船止爲盜匪
服役並未隨行上盜者應於事後被脅上
船及被脅雞姦人犯如自行投首者照律
免罪若被拏獲者均杖一百徒三年年未
及歲仍照律收贖以示矜恤而昭允協但
案情不一如被脅服役在盜所自行逃回

欲行赴官投首尙未到官卽被拏獲者以
自首論若已經到家並不到官呈首旋被
拿獲者仍照本例擬徒不得同自首免罪
應註明以免歧誤謹將修改例文開列於
後

修改

一洋盜案內如係被脅在船止爲盜匪服役或
事後被誘上船及被脅雞姦並未隨行上盜
者自行投首照律免罪如被拏獲者均杖一

百徒三年未及歲者仍照律收贖如已經
自行逃回欲行投首尚未到官即被拏獲者
 仍回自首免罪若已經到家並不到官呈首
 旋被拏獲者不
 得回自首論 其雖經上盜僅止在外瞭望
 接遞財物並無助勢搜贓情事者改黑龍江
 給打牲索倫達呼爾為奴

原例

一尋常盜劫未經傷人之夥犯如曾經轉糾黨
 羽持火執械塗臉入室助勢搜贓架押事主
 送路到案誣扳良民並行劫已至二次及濱

海沿江行劫客船者一經得財俱擬斬立決
 不得以情有可原聲請其止在外瞭望接遞
 財物並未入室搜贓並被人誘脅隨行及年
 歲尙未成丁或行劫止此一次並無兇惡情
 狀者仍以情有可原免死發遣倘地方有司
 有心姑息幽為開脫該督撫據實題奏交部
 嚴加議處

臣等謹按此條係未傷人夥盜及濱海沿
 江盜犯分別辦理之例查現行例載凡情

有可原之夥盜內如年十五歲以下被人誘脇隨行上盜者無論分贓與不分贓俱問擬滿流不准收贖等語是年未成丁盜犯已有擬流專條此條問擬發遣之處係屬舊例業已不用應行節刪謹將修改例文開列於後

修改

一尋常盜劫未經傷人之夥犯如曾經轉糾黨羽持火執械塗險入室助勢搜贓架押事主

送路到案誣扳良民並行劫已至二次及濱海沿江行劫客船者一經得財俱擬斬立決不得以情有可原聲請其止在外瞭望接遞財物並未入室搜贓並被人誘脅隨行或行劫止此一次並無兇惡情狀者仍以情有可原免死發遣倘地方有司有心姑息曲爲開脫該督撫據實題奏交部嚴加議處

續纂

一強盜行劫數家止首一家者發極邊足四千

里充軍如脫逃被獲照例加等調發

臣等謹按名例律載凡自首有不實不盡者以不實不盡之罪罪之至死減一等又強盜律載凡強盜自首不實不盡者以名例自首律內至死減等科之各等語是強盜行劫數家止首一家者律應減等擬流迨康熙年間發往黑龍江給披甲人爲奴嗣於乾隆二年因黑龍江安插遣犯過多將行劫數家止首一家之犯改發雲貴兩

廣烟瘴少輕地方充軍纂之名例黑龍江遣犯條內遵行在案本年修輯名例將黑龍江遣犯分別旗民各爲專條并聲明原例內充軍各條律類附入各本門條例名例內無庸復載等因應將行劫數家止首一家擬軍之條纂入強盜例內以便引用又查烟瘴少輕充軍人犯現行例俱係改發極邊足四千里充軍又盜犯犯該充軍者如有脫逃被獲例應加等調發應於例

內增紋以免歧誤合併聲明

一竊盜拒捕刃傷事主罪應擬絞之犯如聞拏畏懼將原贓送還事主確有證據者准其照聞拏投首例量減擬流若止係一面之詞別無證據仍依例擬絞監候秋審時入於緩決

等謹按嘉慶四年臣部議覆山東巡撫

伊江阿審題趙興文聽從商密行竊圖脫拒傷事主平復聞拏畏懼令商密將原贓送至事主家隔牆撩還審依竊盜脫走拒

捕刃傷擬絞例量減擬流案內欽奉

上諭此案趙興文聽從商密行竊崔玉占家商密携贓逃跑趙興文被崔玉占追趕抱住情急圖脫遂拔佩刀將崔玉占連扎脫身逃走因崔玉占之父上前幫捕又復刀扎崔治倒地雖傷俱平復然以竊盜臨時拒捕刃傷事主父子二人情節已屬兇橫與尋常爲從者不同商密一犯在逃未獲則趙文興所供爲首起意及令商密將原贓送至事主家隔牆撩還之語亦無證據

恐係避重卸罪且趙興文又無自首情事屢經
 犯竊今遽以一面之詞量減定議未為平允趙
 興文著改為應絞入於緩決餘依議並著刑部
 纂入例內嗣後內外問刑衙門遇有似此案件
 即遵照新例辦理欽此欽遵在案應恭纂為例
 以便遵行

一因竊盜而強姦人婦女凡已成者擬斬立決
 同謀未經同姦及姦而未成者皆斬監候共
 盜之人不知姦情者審確止依竊盜論

臣等謹按律載竊盜臨時有拒捕及殺傷
 人者皆斬監候因盜而姦者不論成姦與
 否不分首從罪亦如之等語是因竊盜而
 姦之案律文擬斬監候嗣於嘉慶四年

盛京刑部侍郎鐵保審題承德縣民劉祥行竊
 強姦事主沈王氏復強姦劉馮氏已成案
 內因該犯情節較重依律擬斬監候請

旨即行正法等因經部議稱因盜而姦律與臨
 時拒捕殺人者同擬斬候今竊盜臨時拒

捕殺人一條臣部已於乾隆五年奏准改擬斬決纂入例冊在案是因盜而姦之案亦應比例定擬以歸畫一劉祥一犯應改擬斬立決並通行各省嗣後遇有因盜而姦之案俱一體改照新例辦理等因具題奉

旨依議欽此欽遵在案應纂輯為例以便遵行又查劉祥之案係指已成姦者而言若案內有同謀並未同姦及姦而未成者作何治

罪原題未經議及查因盜而姦律內有不論成姦與否不分首從之文是因盜而姦之案但經同行卽罪應斬候今成姦首犯題明改擬斬決若將同行之犯不論成姦與否不分首從概擬斬決未免太重此等同謀未經同姦及姦而成未者仍依律擬斬候並將例內共盜之人不知姦情者審確止依竊盜論等語一併添敘以昭賅備合併聲明

一洋盜案內除被脇接賊瞭望僅止一次者照例發黑龍江給打牲索倫達呼爾為奴外其有接賊瞭望已至二次者即照二次以上例斬決梟示不應聲明被脇字樣如投回自首倘知畏法仍照接賊一次例改發索倫達呼爾為奴

臣等謹按嘉慶六年正月據江西巡撫阮元咨洋盜案內被脅接賊二次乘間逃回之施大前該撫將該犯照被脅接賊例擬

遣係聞拏投首再減一等擬以杖一百徒三年咨部經臣部擬以被脅上盜之犯其是否甘心從盜隱而難窺如接賊僅止一次謂為上盜時逼於威力尚屬可信若已至二次則其甘心從盜已無可原自難與接賊一次之犯一例擬遣應請嗣後洋盜案內除被脇接賊瞭望僅止一次者仍照例發黑龍江給打牲索倫達呼爾為奴外其有接賊瞭望已至二次者即照二次以

上例斬決梟示不應聲明被脅字樣如投
回自首者尚知畏法仍照被脅接贓一次
例改發索倫達呼爾為奴等因具奏奉
旨依議欽此欽遵在案應纂為例以資引用
刪除

一粵東拏獲強盜除竊盜臨時行強搶竊拒捕
傷人或被人誘脅隨行及年幼尚未成丁并
糾夥不及十人俱仍照舊例辦理外如出劫
洋面或在陸路謀劫糾夥至十人以上無論

犯次多寡曾否入室搜贓均不得以情有可
原聲請

臣等謹按此條係乾隆四十五年定例嗣
於嘉慶四年兩廣總督覺羅吉慶具奏該
省盜風漸減請將盜犯糾夥在十人以上
之案仍分別法無可貸情有可原舊例辦
理經臣部議准並請將此例刪除奉

旨依議欽此欽遵在案此條原例應行刪除

原例

一竊盜臨時盜所拒捕護賊護賊者皆是及雖未得財

而未離盜所逞兇拒捕或雖離盜所而臨時

護賊格鬪已離盜所護賊者不在此例殺人者不論所殺

係事主鄰佑將為首者擬斬立決為從幫毆

如刃傷及他物手足至折傷以上者俱擬絞

監候傷非金刃又非折傷者發雲貴兩廣極

邊烟瘴充軍拒捕未經幫毆成傷者發極邊

足四千里充軍其傷人未死如刃傷及折傷

以上者首犯擬斬監候為從發近邊充軍若

傷非金刃傷輕平復首犯改發伊犁等處酌

撥當差如年在五十以上發近邊充軍拒捕

未經成傷者首犯發近邊充軍為從各一

百徒三年如被事主事後搜捕起意拒捕者

仍依罪人拒捕本律分別殺傷科斷

臣等謹按嘉慶十年八月部遵

旨調劑吉林等處安插人等摺內議將竊盜臨時

拒捕傷非金刃傷輕平復等六條仍照舊

例改發內地等因奉准在案例內改發伊

犁當差之處應行修改再查此項人犯係由新疆改發內地舊例較原例加一等改發邊遠充軍年逾五十者發近邊充軍應仍照舊例修輯謹將修改例文開列於後

修改

一竊盜臨時盜所拒捕者護賊護夥皆是及雖未得財

而未離盜所逞兇拒捕或雖離盜所而臨時

護賊格鬪已離盜所護夥者不在此例殺人者不論所殺

係事主鄰佑將為首者擬斬立決為從幫毆

如刃傷及他物手足至折傷以上者俱擬絞

監候傷非金刃又非拆傷者發雲貴兩廣極

邊烟瘴充軍拒捕未經幫毆成傷者發極邊

足四千里充軍其傷人未死如刃傷及拆傷

以上者首犯擬斬監候為從發近邊充軍若

傷非金刃傷輕平復首犯改發邊遠充軍如

年在五十以上發近邊充軍拒捕未經成傷

者首犯發近邊充軍為從各杖一百徒三年

如被事主事後搜捕起意拒捕者仍依罪人

拒捕本律分別殺傷科斷

原例

一捕役及防守墩卡並承緝盜案汛兵爲盜雖非造意爲首均照造意爲首律擬斬立決其失察之該管官交部議處如該管官通勒改供或捏稱革役該管上司不能查出一併交部照例議處如捕役汛兵分贓通賊及與巨盜交結往來奉差緝拿走漏消息及非伊承緝之案漏信脫逃者不分會否得贓仍照本

犯之罪治罪若知情故縱者照窩主知情存留例分別治罪如並不知情止係查緝不力者照不應事律科斷

臣等謹按嘉慶九年七月內廣西布政使恩長條奏營兵爲盜作何定擬例無明文

請照江洋大盜例斬決梟示等因經臣部以防守墩卡及承緝盜案汛兵爲盜例內已有雖非造意爲首均照造意爲首律斬決之文營兵犯盜皆可援引辦理惟是行

劫情形不一若概擬斬梟固屬無所區別而首從均擬斬決亦不足以示懲議請嗣後營兵爲盜無論其夥同民人夥同兵丁係兵丁爲首者斬決梟示爲從者仍擬斬決其有情節重大非尋常行劫可比者該督撫仍酌量案情分別梟示等因奏准在案應於例內修輯以資引用再查捕役與兵丁均有緝盜之責故原例捕役爲盜與兵丁同列一條今兵丁爲盜既經奏准分

別斬梟則捕役爲盜應與兵丁同科將爲首者亦擬梟示以昭畫一應請一併增輯謹將修改例文開列於後

修改

一捕役及防守墩卡或承緝盜案汛兵並各營兵丁爲盜雖非造意爲首均照造意爲首律擬斬立決如捕役兵丁等起意爲首者斬決梟示爲從者仍擬斬決其有情節重大非尋常行劫可比者該督撫仍酌量案情分別梟

示其失察之該管官交部議處如該管官逼勒改供或捏稱革役該管上司不能查出一併交部照例議處如捕役兵丁分贓通賊及與巨盜結交往來奉差緝拿走漏消息及非伊承緝之案漏信脫逃者不分會否得財均照本犯之罪治罪若知情故縱者照窩主知情存畱例分別治罪如並不知情止係查緝不力者照不應重律科斷

原例

一尋常盜劫未經傷人之夥犯如曾經轉糾黨羽持火執械塗臉入室助勢搜贓架押事主送路到案誣扳良民並行劫已至二次及濱海沿江行劫客船者一經得財俱擬斬立決不得以情有可原聲請其止在外瞭望接遞財物並未入室搜贓並被人誘脇隨行或行劫止此一次並無兇惡情狀者仍以情有可原免死發遣倘地方有司有心姑息曲爲開脫該督撫據實題叅交部嚴加議處

臣等謹按此條係乾隆二十六年定例嗣於乾隆五十九年奏准洋盜案內雖經上盜僅止在外瞭望接遞財物並無搜贓情事者發黑龍江給索倫達呼爾為奴等因載入例冊以後臣部核覆沿江濱海行劫案內之夥犯亦分別是否過船搜贓以情有可原聲請例內應添敘過船搜贓字樣始為相符再查洋盜案內被脇服役被脇雞姦並未隨同上盜之犯罪止擬徒此條

例內被人誘脇隨行擬以發遣係指隨同上盜者而言亦應於誘脅隨行下添入上盜二字以昭明晰謹將修改例文開列於後

修改

一尋常盜劫未經傷人之夥犯如曾經轉糾黨羽持火執械塗臉入室助勢搜贓架押事主送路到案誣扳良民並行劫已至二次及濱海沿江行劫過船搜贓者一經得財俱擬斬

立決不得以情有可原聲請其止在外瞭望
 接遞財物並未入室過船搜贓並被人誘脇
 隨行上盜或行劫止此一次並無兇惡情狀
 者仍以情有可原免死發遣倘地方有司有
 心姑息曲為開脫該督撫據實題叅交部嚴
 加議處

續纂

凡行劫漕船盜犯審係法無可貸者斬決梟
 示

臣等謹按嘉慶八年三月內臣等核覆江
 蘇巡撫岳起題賊犯葛子富等行竊薛錦
 魁漕船臨時行強將葛子富依律擬斬立
 決一案奉

旨此案葛子富等行竊薛錦魁漕船臨時行強刑
 部將為首起意並入船搜贓毆傷事主之葛子
 富問擬斬決題覆本屬按例辦理但漕船裝載
 糧石係屬官物即與倉庫衙門無異該犯等膽
 敢強劫在船事主實屬藐法葛子富著即處斬

梟示嗣後遇有此等行劫漕船之案審係法無可貸者均著照此辦理餘依議欽此欽遵在案

應恭纂為例以便遵辦

一凡強盜案內情有可原發遣之犯如脫逃例

應正法者定案時均聲明免死減等字樣

臣等謹按嘉慶八年八月內黑龍江將軍

那奇泰咨請嗣後發遣黑龍江為奴盜犯

如脫逃應行正法者務於原案內聲明免

死減等字樣等因經 臣部查情有可原盜

犯在配脫逃如原犯斬決減為發遣者係

由重而減輕例應正法如原犯軍流改為

發遣者係由輕而加重不在正法之列該

將軍咨請將發遣盜犯脫逃例應正法者

均聲明免死減等字樣係屬慎重刑章起

見嗣後辦理盜案凡由斬決減遣之情行

可原盜犯於定案時均聲明免死減等字

樣通行各省遵辦在案應纂輯為例以便

遵行

原例

一強盜殺人放火燒人房屋姦污人妻女打劫
 牢獄倉庫及干係城池衙門並積至百人以
 上不分會否得財俱照得財律斬隨卽奏請
 審決梟示凡六項有一於此卽行梟示隨犯摘引所犯之事若止傷
 人而未得財首犯斬監候爲從發黑龍江爲
 奴如未得財又未傷人首犯發黑龍江爲奴
 從犯杖一百流三千里

一凡響馬強盜執有弓矢軍器白日邀劫道路

贓證明白者俱不分人數多寡會否傷人依

律處決於行劫處梟首示眾如傷人不得財首犯中監候爲

從發黑龍江爲奴如未得財又未傷人首犯發黑龍江爲奴從犯杖一百流三千里其

江洋行劫大盜俱照此例立斬梟示

一強盜重案除定例所載殺人放火姦人妻女

打劫牢獄倉庫干係城池衙門並積至百人

以上及響馬強盜江洋大盜老瓜賊仍照定

例遵行外其餘盜劫之案各該督撫嚴行究

審將法所難宥及情有可原者一分晰於

疏內聲明大學士會同三法司詳議將法所難宥者正法情有可原者發遣

一尋常盜劫未經傷人之夥犯如曾經轉糾黨羽持火執械塗臉入室助勢搜贓架押事主送路到案誣扳良民并行劫已至二次及濱海沿江行劫過船搜贓者一經得財俱擬斬立決不得以情有可原聲請其止在外瞭望接遞財物並未入室過船搜贓並被人誘脅隨行上盜或行劫止此一次並無兇惡情狀

者仍以情有可原免死發遣儻地方有司有心姑息曲爲開脫該督撫據實題奏交部嚴加議處

一洋盜案內除被脅接贓瞭望僅止一次者照例發黑龍江給打牲索倫達呼爾爲奴外其有接贓瞭望已至二次者卽照二次以上例斬決梟示不應聲明被脅字樣如投回自首者尙知畏法仍照接贓一次例改發索倫達呼爾爲奴

一老爪賊內審有傳授技藝在家分贓者照強盜窩主造意身雖不行但分贓者斬律擬斬立決其跟隨學習之人雖未同行俱照情有可原強盜例免死發遣如無學習確證不過僅與賊往來熟識應照知情不首律杖一百仍令點卯充警

一凡強盜除殺死人命姦人妻女燒人房屋罪犯深重及毆事主至折傷以上首夥各犯俱不准自首外其傷人首盜傷輕平復無論事

未發而自首及聞拿投首者俱擬斬監候未傷人之首盜能於事未發時自首者發近邊充軍如係聞拿投首照情有可原例發遣黑龍江等處給披甲人為奴至未傷人之夥盜行劫僅止一次事未發而自首者照律免罪如係聞拿投首於情有可原發遣本罪上減一等杖一百徒三年若夥盜曾經傷人及行劫二次以上事未發而自首發近邊充軍如係聞拿投首照情有可原例發遣窩家盜線

如有自首及聞拏投首者即照未傷人之盜首分別充軍發遣以上各犯遇有脫逃被獲軍罪加等調發其減發黑龍江者請

旨即行正法其放火燒人空房及田場積聚等物之強盜自首依放火故燒本律擬流若計所燒之物重於本罪者發近邊充軍

一造意爲首之盜脫逃如有夥盜供出盜匪所在確實地方限一年之內緝獲限內不獲將各盜照律題結如限內拏獲者將供出之夥

盜照例免死發遣黑龍江等處爲奴若係例應免死減等之夥盜供出首盜逃匿確實地方即行拏獲者改擬杖一百流三千里

臣等謹按嘉慶十七年十二月內臣部議

覆原任黑龍江將軍宗室斌靜等奏調劑黑龍江等處遣犯摺內請將強盜已行而不得財傷人爲從及未傷人爲首者響馬強盜傷人未得財從爲及未得財又未傷人爲首者強盜免死減等者洋盜案內接

贓二次投首者老爪賊內跟隨學習技藝
 未同行者俱改發新疆給官兵為奴未傷
 人之盜首聞拏投首者曾經傷人及行劫
 二次以上之夥盜聞拏投首者窩家盜線
 聞拿投首者夥犯能將盜首逃匿地方供
 出一年限內拿獲者俱改發雲貴兩廣極
 邊烟瘴充軍等因奏准通行在案以上八
 條例內發遣黑龍江之處及止聲明發遣
 並未指出地方者均應一併添改以便引

用謹將修改例文八條開列於後

修改

一強盜殺人放火燒人房屋姦污人妻女打劫
 牢獄倉庫及干係城池衙門並積至百人以
 上不分會否得財俱照得財律斬隨即奏請
 審決梟示凡六項有一於此即引梟示隨犯摘引所犯之事若止傷
 人而未得財首犯斬監候為從發新疆給官
 兵為奴如未得財又未傷人首犯發新疆給
 官兵為奴從犯杖一百流三千里

一 凡響馬強盜執有弓矢軍器白日邀劫道路
贓證明白者俱不分人數多寡會否傷人依

律處決於行劫處梟首示眾 如傷人不得財
首犯斬監候為

從發新疆給官兵為奴如未得財又未傷人
首犯發新疆給官兵為奴為從杖一百流三

千里其江洋行劫大盜俱照此例立斬梟示

一 強盜重案除定例所載殺人放火姦人妻女

行劫牢獄倉庫干係城池衙門並積至百人

以上及響馬強盜江洋大盜老爪賊仍照定

例遵行外其餘盜劫之案各該督撫嚴行究

審將法所難宥及情有可原者一一分晰於

疏內聲明大學士會同三法司詳議將法所

難宥者正法情有可原者發遣新疆給官兵

為奴

一 尋常盜劫未經傷人之夥犯如曾經轉糾黨

羽持火執械塗臉入室助勢搜贓架押事主

送路到案誣扳良民并行劫已至二次及潛

海沿江行劫過船搜贓者一經得財俱擬斬

立決不得以情有可原聲請其止在外瞭望

接遞財物並未入室過船搜贓並被人誘脅隨行止盜或行劫止此一次並無兇惡情狀者仍以情有可原免死發遣新疆給官兵爲奴倘地方有司有心姑息曲爲開脫該督撫據實題奏交部嚴加議處

一洋盜案內除被脅接贓瞭望僅止一次者照例發新疆給官兵爲奴外其有接贓瞭望已至二次者卽照二次以上例斬決梟示不應聲明被脅字樣如投回自首者尙知畏法仍

照接贓一次例改發新疆給官兵爲奴

一老爪賊內審有傳授技藝在家分贓者照強盜窩主造意身雖不行但分贓者斬律擬斬立決其跟隨學習之人雖未同行俱照情有可原強盜例免死發遣新疆給官兵爲奴如無學習確證不過僅與賊往來熟識應照知情不首律杖一百仍令點卯充警

一凡強盜除殺死人命姦人妻女燒人房屋罪犯深重及毆事主至折傷以上首夥各犯俱

不准自首外其傷人首盜傷輕平復無論事未發而自首及聞拏投首者俱擬斬監候未傷人之首盜能於事未發時自首者發近邊充軍如係聞拏投首實發雲貴兩廣極邊烟瘴充軍至未傷人之夥盜行劫僅止一次事未發而自首者照律免罪如係聞拏投首於情有可原發遣本罪上減一等杖一百徒三年若夥盜曾經傷人及行劫二次以上事未發而自首發近邊充軍如係聞拏投首實發

雲貴兩廣極邊烟瘴充軍窩家盜線如有自首及聞拏投首者即照未傷人之盜首分別充軍以上各犯遇有逃賒被獲如係近邊充軍加等調發其實發雲貴兩廣者請

旨即行正法其放火燒人空房及田場積聚等物之強盜自首依放火故燒本律擬流若計所燒之物重於本罪者發近邊充軍

一造意爲首之盜脫逃如有夥盜供出逃匿所在確實地方限一年之內緝獲限內不獲將

各盜照律題結如限內拏獲者將供出之夥盜照例免死實發雲貴兩廣極邊烟瘴充軍若係例應免死減等之夥盜供出首盜逃匿確實地方即行拏獲者改擬杖一百流三千里

原例

一洋盜案內如係被脅在船止為盜匪服役或事後被誘上船及被脅雜姦並未隨行上盜自行投首照律免罪如被拏獲者均杖一百

徒三年年未及歲者仍照律收贖如已盡在

逃回欲行投首尚未到官即被拿獲者仍同自首免罪若已經到家並不到官呈首旋被拿獲者不得同自首論其雖經上盜僅止在外瞭望接

遞財物並無助勢搜贓情事者改發黑龍江給打牲索倫達呼爾為奴

臣等謹按嘉慶十八年八月內臣部議覆

調任浙江巡撫方受疇奏拿獲在洋行劫接贓服役及接買盜贓各犯分別治罪一摺內稱查被盜逼脅在船搖櫓寫帳者即

嘉慶十九年

與被脅服役無異近年有於本例之外加
等擬流究屬平空加重議請嗣後被盜逼
脅搖櫓寫帳等項仍各照本例擬徒等因
奏准通行在案再查例內發黑龍江給打
牲索倫達呼爾為奴之處臣部已於調劑
黑龍江等處遣犯摺內奏准改發新疆給
官兵為奴應於例內一併添註修改謹將
修改例文開列於後

修改

一洋盜案內如係被脅在船止為盜匪服役如
檣寫帳等項或事後被誘上船及被脅雞姦
均以服役論並未隨行上盜者自行投首照律免罪如被
掣獲者均杖一百徒三年未及歲者仍照
律收贖如已經在盜所自行逃回欲行投首
倘未到官即被拿獲者仍同自首免
罪若已經到家並不到官呈首其雖經上盜
旋被拿獲者不得同自首論僅止在外瞭望接遞財物並無助勢搜贓情
事者改發新疆給官兵為奴

原例

一事主呈報盜情不許虛誣捏飾倘有并無被劫而謊稱被劫及以竊為強以姦為盜者俱杖一百以人命鬪毆等事報盜者其本身無罪亦杖一百若本有應得之罪重者照本罪從重問擬本罪輕者加一等治罪若姦棍豪紳憑空捏報盜劫藉以陷害平人訛詐印捕官役者照誣告人死罪未決律問遣甲長鄰佑扶同者各照事主減一等治罪

臣等謹按律載誣告人死罪未決者杖一

百流二千里加徒役三年等語是誣告人死罪未決之律係屬擬流加徒并非問擬發遣此條例內照誣告人死罪未決律問遣之處核與律文不符應行修改謹將修改例文開列於後

修改

一事主呈報盜情不許虛誣捏飾倘有并無被劫而謊稱被劫及以竊為強以姦為盜者杖一百以人命鬪毆等事報盜者其本身無罪

亦杖一百若本有應得之罪重者照本罪從重問擬本罪輕者加一等治罪若姦棍豪紳憑空捏報盜劫藉以陷害平人訛詐印捕官役者照誣告人死罪未決律杖一百流三千里加徒役三年甲長鄰佑扶同者各照事主減一等治罪

原例

一因竊盜而強姦人婦女凡已成者擬斬立決同謀未經同姦及姦而未成者皆斬監候共

盜之人不知姦情者審確止依竊盜論

臣等謹按嘉慶十六年九月內 臣部遵

旨改擬因盜而姦分別已成未成治罪條例一摺內稱查輪姦婦女各按已成未成爲首爲從分別斬絞遣流之例係指尋常輪姦而言若因竊盜而姦非惟比尋常輪姦爲重卽較之竊盜臨時行強意止在於得財者其情更覺可惡未便舍其所因竊盜之罪而僅科以尋常輪姦之條惟旣以姦論卽

應以已成未成分別輕重原例已成姦者
 斬決未成姦者斬候雖有立決斬候之分
 而罪名同一擬斬實未平允應請嗣後因
 竊強姦人婦女之案如已成姦者仍照原
 例問擬斬決外其同謀未經同姦及姦而
 未成之犯俱改為擬絞監候等因奏准通
 行在案應於例內修改以便引用謹將修
 改例文開列於後

修改

一因竊盜而強姦人婦女凡已成者擬斬立決
 同謀未經同姦及姦而未成者皆絞監候共
 盜之人不知姦情者審確止依竊盜論

續纂

一恭遇

御駕駐蹕

圓明園及

巡幸之處若有匪徒偷竊附近倉廩官廨拒傷官弁
 兵丁者如相距

應絞候傷非金刃傷輕平復則罪應擬軍
為從各減一等其拒捕致傷差役無論臨
時圖脫例止於竊盜本罪上加拒捕二等
若竊盜匪徒於

御駕駐蹕

圓明園之日膽敢偷竊附近

宮牆官倉米石拒捕扎傷官弁兵丁殊屬目無
法紀又不可與尋常竊盜拒捕者并論自
應酌定科條以昭懲創應請嗣後恭遇

御駕駐蹕

圓明園及

巡幸之處竊匪偷竊附近奢殿官廨拒傷官弁兵

丁如相距

宮牆在一里以內刃傷及折傷以上之首犯擬

斬立決為從發伊犁給駐防官兵為奴傷
非金刃傷輕平復之首犯亦發伊犁給駐
防官兵為奴為從杖一百流三千里如在

一里以外三里以內刃傷及折傷以上之

首犯擬絞立決為從杖一百流三千里傷
 非金刃傷輕平復之首犯擬杖一百流三
 千里為從杖一百徒三年其行竊之罪有
 重於流徒者各於本例上加拒捕罪二等
 若拒捕殺死官弁兵丁者無論一里三里
 以內首犯擬斬立決梟示為從幫毆如刃
 傷及折傷者擬絞立決傷非金刃又非折
 傷者擬絞監候未經幫毆者發伊犁給騎
 防官兵為奴如值

御駕不駐蹕之日仍照本例行等因奏准在案謹
 纂輯為例以便遵行

一粵東內河盜劫之案除尋常行劫僅止一二
 次駭眾不及四十人并無拜會及別項重情
 仍照例分別定擬具題外如行劫駭眾四十
 人以上或雖不及四十人而有拜會結盟拒
 傷事主奪犯傷差假冒職官或行劫三次以
 上或脫逃二三年後就獲各犯應行斬決者
 均加以梟示恭請

王命先行正法其情有可原者仍候部覆發遣

臣等謹按嘉慶十六年六月內據陞任兩廣總督松筠等奏粵東內河陸路土匪以劫掠爲生涯肆行無忌每多拜會結盟廣爲樹黨預謀戮劫担傷事主奪犯傷差甚或假冒職官恐嚇凌辱種種不法實爲閭閻之害應請嗣後除尋常盜劫僅止一二次夥眾不及四十人並無拜會及別項重情仍照例分別審擬具題外如劫案內有

夥眾四十人以上或不及四十人有拜會奪犯拒捕假官各項情節可惡者與前經奏定脫逃二三年後就獲暨行劫三次以上應行斬決各犯均奏明加以梟示恭請王命先行正法情有可原者仍候部覆發遣等因經大學士會同臣部核覆奏准在案應纂輯爲例以便引用

一盜犯明知官帑糾夥行劫但經得財將起意爲首及隨同上盜者擬斬立決梟示其在外

瞭望接賊并未上盜之犯俱擬斬監候秋審
入於情實若不知係屬官帑仍以尋常盜案
論

臣等謹按嘉慶十九年八月內據廣西巡
撫台斐音奏拿獲行劫餉銀盜犯曾保榮
等分別治罪一摺奉

上諭台斐音奏審擬行劫官銀盜犯一摺向來盜
劫之案其僅止聽從接賊及在外把風瞭望者
俱聲明情有可原部議免死減等發遣此案曾

保榮等明知餉船停泊河干起意糾劫大膽藐
法非尋常盜案可比除盜首曾保榮夥盜劉瑞
關興友朱勝茂黃亞長分別戮屍斬梟外許亞
崧黃亞芬蕭達元蕭亞七四犯雖僅止接賊瞭
望未經上船肆劫其情有無可原不准減等俱
着斬監候秋審時入於情實嗣後如有明知官
帑敢行盜劫者著俱照此例辦理欽此應恭纂
爲例以便遵行再查盜劫官帑之案因其
明知故犯是以加等示懲若不知係屬官

帑自應仍以尋常盜案論應請添纂入例
合併聲明

續纂

一爬越入城行劫罪應斬決者加以梟示失察
越城之官員兵丁分別叅處責革

臣等謹按嘉慶二十一年閏六月二十五

日臣部議覆原任福建巡撫王紹蘭審題

漳浦縣盜犯魏粹等聽從逸盜陳玉泉越

城行劫葵本猷當舖一案奉

旨此案魏粹一犯與夥盜共二十二人乘夜爬進
漳浦縣城行劫葵本猷當舖入室搜贓罪應斬
決該犯爬越進城較白晝混入城門及行劫後
越城逃出者尤為藐法魏粹等即處斬仍梟首
示眾以儆兇頑嗣後有爬越入城行劫罪應斬
決者俱著照此例加以梟示其失察此案寅夜
越城之官員兵丁並著查明分別叅處責革餘
依議欽此應恭纂為例以便引用

強盜

原例

一恭遇

御駕駐蹕

圓明園及

巡幸之處若有匪徒偷竊附近倉廩官廨拒傷官弁

兵丁者如相距

宮牆在一里以內刃傷及折傷以上之首犯斬立

決為從發伊犁給官兵為奴傷非金刃傷輕

平復之首犯發伊犁給官兵為奴為從杖一百流三千里如在一里以外三里以內刃傷及折傷以上之首犯絞立決為從杖一百流三千里傷非金刃傷輕平復之首犯杖一百流三千里為從杖一百徒三年其行竊之罪有重於流徒者各於本例上加拒捕罪二等若拒捕殺死官弁兵丁者無論一里三里以內首犯斬決梟示為從幫毆如刃傷及折傷者絞立決傷非金刃又非折傷者絞監候未

經幫毆者發伊犁給官兵為奴如值

御駕不駐蹕之日仍照本例行

臣等謹按道光六年十一月內軍機大臣

會同 臣部議覆直隸總督那彥成奏調劑

新疆遣犯內請恭遇

御駕駐蹕

圓明園及

巡幸之處匪徒偷竊附近倉廩官廨拒傷官弁兵

丁相距

大清律例

刑律七 賊盜中

五

強盜

宮牆一里以內刃傷及拆傷以上為從及傷非
 金刃傷輕平復之首犯并拒殺弁兵為從
 未經幫毆者發伊犁為奴各條俱改發極
 邊足四千里充軍等因奏准通行在案例
 內發伊犁之處應行修改謹將修改例文
 開列於後

修改

一恭遇

御駕駐蹕

圓明園及

巡幸之處若有匪徒偷竊附近倉廩官廨拒傷官弁
 兵丁者如相距

宮牆在一里以內刃傷及折傷以上之首犯斬立
 決為從改發極邊足四千里充軍傷非金刃
 傷輕平復之首犯改發極邊足四千里充軍
 為從杖一百流三千里如在一里以外三里
 以內刃傷及折傷以上之首犯絞立決為從
 杖一百流三千里傷非金刃傷輕平復之首

犯杖一百流三千里爲從杖一百徒三年其
行竊之罪有重於流徒者各於本例上加
捕罪二等若拒捕殺死官弁兵丁者無論一
里三里以內首犯斬決梟示爲從幫毆如刃
傷及折傷者絞立決傷非金刃又非折傷者
絞臨候未經幫毆者改發極邊足四千里充
軍如值

御駕不駐蹕之日仍照本例行

強盜

原例

一凡竊盜等事責令該地保營汛兵丁分報各
衙門文武員弁協力追拿如地保汛兵通同
隱匿不報及地保已報文職而汛兵不報武
弁或汛兵已報武弁而地保不報文職者均
照強盜窩主之鄰佑知而不首例杖一百若
首報遲延應照牌頭會首告而甲長不行轉
報例杖八十

臣等謹按道光十二年十一月內據陞任江西道監察御史金應麟奏請修改刪易刑例一摺內稱竊盜等事地保汛兵首報遲延應照牌頭會首告而甲長不行轉報例杖八十查窩主例牌頭瞻徇隱匿者杖八十若牌頭於甲長處首告而甲長不行轉報減一等牌頭免坐是不行轉報止擬杖七十似應酌改等語經臣部查地保汛兵首報遲延之例係雍正八年纂定向來

遇有似此案件俱係照例科以杖八十之罪至例內所稱照牌頭會首告而甲長不行轉報例一語雖與窩主之例不符然不過字句之間少有參差援引尙無格碍應俟修例時再行酌改等因具奏奉

旨允准在案今屆修例之時應將例內照強盜窩主之鄰佑知而不首例及照牌頭會首告而甲長不行轉報例數語刪去以免參差謹將修改例文開列於後

修改

一凡竊盜等事責令該地保營汛兵丁分報各衙門文武員弁協力追拿如地保汛兵通同隱匿不報及地保已報文職而汛兵不報武弁或汛兵已報武弁而地保不報文職者均杖一百若首報遲延杖八十

原例

一凡強盜除殺死人命姦人妻女燒人房屋罪犯深重及毆事主至折傷以上首夥各犯俱

不准自首外其傷人首盜傷輕平復無論事未發而自首及聞拏投首者俱擬斬監候未傷人之首盜能於事未發時自首者發近邊充軍如係聞拏投首實發雲貴兩廣極邊煙瘴充軍至未傷人之夥盜行劫僅止一次事未發而自首者照律免罪如係聞拏投首於情有可原發遣本罪上減一等杖一百徒三年若夥盜曾經傷人及行劫二次以上事未發而自首發近邊充軍如係聞拏投首實發

雲貴兩廣極邊烟瘴充軍窩家盜線如有自首及聞拏投首者即照未傷人之盜首分別充軍以上各犯遇有脫逃被獲如係近邊充軍加等調發其實發雲貴兩廣者請

旨即行正法其放火燒人空房及川場積聚等物之強盜自首依放火故燒本律擬流若計所燒之物重於本罪者發近邊充軍

一造意為首之盜脫逃如有夥盜供出逃匿所在確實地方限一年之內緝獲限內不獲將

各盜照律題結如限內拏獲者將供出之夥盜照例免死實發雲貴兩廣極邊烟瘴充軍若係例應免死減等之夥盜供出首盜逃匿確實地方即行拏獲者改擬杖一百流三千里

臣等謹按以上兩條例內未傷人盜首聞拿投首曾經傷人及行劫二次以上之夥盜聞拏投首窩家盜線聞拏投首夥盜供出盜首逃匿地方一年限內拏獲四項脫

逃被獲按例俱應正法是以名例徒流遷徙地方門內應發黑龍江等處一條聲明此等人犯定案時均面刺改遣二字今名例內應發黑龍江等處一條臣等因其無關引用議請刪除所有此等人犯應面刺改遣二字之處應於各本例內添載明晰以便查考謹將修改例文開列於後

修改

一八強盜除殺死人命姦人妻女燒人房屋罪

犯深重及毆事主至折傷以上首夥各犯俱不准自首外其傷人首盜傷輕平復無論事未發而自首及聞拏投首者俱擬斬監候未傷人之首盜能於事未發時自首者發近邊充軍如係聞拏投首實發雲貴兩廣極邊煙瘴充軍而刺改遣二字至未傷人之夥盜行劫僅止一次事未發而自首者照律免罪如係聞拏投首於情有可原發遣本罪上減一等杖一百徒三年若夥盜曾經傷人及行劫

二次以上事未發而自首發近邊充軍如係
聞拿投首實發雲貴兩廣極邊烟瘴充軍照
前刺字窩家盜線如有自首及聞拏投首者
即照未傷人之盜首分別充軍以上各犯遇
有脫逃被獲如係近邊充軍加等調發其實
發雲貴兩廣者請

旨即行正法其放火燒人空房及用場積聚等物之
強盜自首依放火故燒本律擬流若計所燒
之物重於本罪者發近邊充軍

一造意爲首之盜脫逃如有夥盜供出逃匿所
在確實地方限一年之內緝獲限內不獲將
各盜照律題結如限內拏獲者將供出之夥
盜照例免死實發雲貴兩廣極邊烟瘴充軍
面刺改遣二字若係例應免死減等之夥盜
供出首盜逃匿確實地方即行拏獲者改擬
杖一百流三千里

纂修

刑律

賊盜

強盜

續纂

一糧船水手行劫殺人不分人數多寡曾否得財俱擬斬立決梟示恭請

王命先行正法其搶奪案內下手殺人之犯亦照行劫殺人例正法梟示為從幫毆如刃傷及手

足他物至折傷以上者俱擬絞立決傷非金
刃又非折傷者擬絞監候未經幫毆成傷者
發新疆給官兵為奴其尋常挾讐謀故殺者
均擬斬立決若審無謀故重情但經聚眾互
毆即照廣東等省械鬪讐殺例一體懲辦其
藏有火鎗臺鎗者雖未點放傷人亦發新疆
給官兵為奴以上各犯被獲時有恃眾持械
拒捕傷人者除原犯斬梟罪無可加外罪應
斬決者均加擬梟示恭請

王命先行正法罪應絞決者改為正決應絞候者改
為絞決應發遣者改為絞候若拒捕殺人為
首無論罪名輕重均擬斬立決梟示恭請

王命先行正法為從幫同拒捕之犯即照拒捕傷人
一例科斷至糧船經過地方游幫匪徒有搶
劫傷人及被獲時拒捕殺傷人者均照糧船
水手搶劫拒捕例辦理其執持兇器未經滋
事者即照執持兇器未傷人杖一百例上加
一等杖六十徒一年仍責成該管糧道總運

官督率運弁日夜稽查於泊船時依地方保甲之法逐船按冊點驗其有並無腰牌者立卽會同地方營汛拿獲審明分別懲辦旗丁頭舵如遇有形跡可疑之人容隱不報者一併治罪該幫弁意存玩縱從嚴叅處

臣等謹按道光十六年三月內大學士軍機大臣會同戶部及臣部議覆原任兩江總督陶澍前任江蘇巡撫林則徐等奏籌議約束糧船水手章程一摺據該督等原

奏內稱查定例糧船水手夥眾十人以上執持兇器搶奪爲首照強盜律治罪爲從減一等如十人以下無器械者照搶奪律治罪惟此例專爲搶奪而設且必須十人以上至刦奪殺人及讎殺慘殺之犯應請無論人數多寡審明恭請

上命正法河干其同惡相濟之人但經殺人卽照強盜律立正典刑其藏有火鎗擡鎗雖未點放傷人亦應從嚴加發新疆至遊幫棍

匪冒充水手搶劫殺人應卽照水手犯案
 辦理等語經_臣等查糧船水手恃眾逞兇
 種種不法固應從嚴究治惟是同一殺人
 而搶奪與行劫不同挾讎又與劫奪不同
 應將罪名酌示區別議請嗣後糧船水手
 行劫殺人不分人數多寡曾否得財俱擬
 斬立決梟示恭請

王命先行正法其搶奪殺人之犯亦照行劫殺人
 例一體正法梟示為從幫毆如刃傷及手

足他物至折傷以上者俱擬絞立決傷非
 金刃又非折傷者擬絞監候未經幫毆成
 傷者發新疆給官兵為奴至尋常懷挾私
 讎蓄意謀殺及逞忿故殺者均擬斬立決
 若審無謀故重情但經聚眾互毆卽照廣
 東等省械鬪讎殺例一體懲辦其藏有火
 鎗擡鎗者雖未點放傷人亦從重發新疆
 給官兵為奴以上各犯如獲被時有恃眾
 持械拒捕傷人者除原犯斬梟罪無可加

仍按例定擬外其罪應斬決者均加擬梟
示恭請

王命先行正法罪應絞決者改爲斬決罪應絞候
者改爲絞決罪應發遣者改爲絞候若拒
捕殺人爲首無論原犯罪名輕重均擬斬
立決梟示恭請

王命先行正法爲從幫同拒捕之犯卽照拒捕傷
人二例科斷至糧船經過地方游幫匪徒
有搶劫傷人及被獲時拒捕殺傷人者均

照糧船水手搶劫拒捕例一體懲辦其執
持兇器未經滋事者卽照執持兇器未傷
人杖一百本例上加一等杖六十徒一年
仍責成該管糧道總運官督率運弁日夜
稽查於漕船停泊時照依地方保甲之法
逐船按冊點驗其有並無腰牌者立卽會
同地方營汛拿獲審明分別懲辦倘該幫
弁意存玩縱從重叅處仍嚴飭旗丁頭舵
等如有形跡可疑之人密爲稟報如敢容

隱一併治罪庶匪徒可期斂跡而運船漸臻安靜等因具奏奉

旨允准通行遵照在案謹纂輯專條以資引用

強盜

續纂

一山東省拏獲匪犯審有執持器械結捻結幅情事如係強劫得贓者仍照強盜本律間擬將案內法無可貸罪應斬決之首從各犯加擬梟示行劫未得財者仍照定例科斷若執持軍器聚眾搶奪得贓不論贓數多寡數至四十人以上為首照強盜律擬斬立決為從擬絞監候被脅同行者發遣新疆給官兵為

奴四十人以下十人以上為首擬斬立決為從發新疆給官兵為奴五人以上首犯亦照前擬遣為從各犯俱實發雲貴兩廣極邊煙瘴充軍計贓逾貫及另有拽刀等項名目者各照本律例從其重者論其執有軍器聚眾搶奪未經得財如聚眾在四十人以上即比照強盜未得財例首犯發新疆給官兵為奴從犯杖一百流三千里五人以上首犯擬杖一百徒三年其案內造意之捻首幅首身雖

不行但經夥犯搶奪即按人數多寡照為首例問擬如搶劫未經結捻結幅並聚眾未及五人尙未滋事者仍各照本律本例問擬若問擬遣軍人犯脫逃回籍復行入捻入幅搶奪或向原掣兵役尋衅報復除實犯死罪外餘俱擬絞監候倘數年後此風稍息奏明仍照舊例辦理

臣等謹按道光二十五年八月內 臣部議覆山東巡撫覺羅崇恩奏匪徒聚眾強劫

訛索請嚴定治罪例文一摺內稱山東曹州府所屬州縣時有匪徒蟻聚或創爲一捻或分爲一幅私製軍械肆行劫掠本境官弁防範稍嚴則竄入鄰封乘隙肆擾故其始止於曹屬今則各該處無賴遊民漸入其黨幸而就獲非嚴行懲辦不足以戢其兇暴應請嗣後東省掣獲匪犯審有結捻結幅情事如係搶刦得贓仍照搶奪本律問擬將案內法無可貸罪應斬決之犯

不分首從加擬梟示其聚眾搶奪得贓不論贓數多寡如人數至四十人以上者爲首照強盜律擬斬立決爲從皆絞監候四十人以下十人以上者爲首擬斬立決爲從均發新疆給官兵爲奴如數在五人以上首犯亦照前擬遣爲從俱實發雲貴兩廣極邊煙瘴充軍計贓逾貫及另有搜刀等項名目者各照本律從其重者論其造意之搶首幅首身雖不行但經駭犯搶奪

卽按人數多寡照爲首例問擬若問擬遣軍人犯脫逃回籍復行人捻入幅搶奪或向原掣兵役尋衅報復除實犯死罪外餘俱擬絞監候如搶劫未經結捻結幅並聚眾未及五人尙未滋事者仍照各本律本例問擬等因 等查匪徒擾害地方自應隨時從嚴辦理該撫以山東省匪徒夥聚或創爲一捻或分爲一幅私製軍械四處劫掠請嚴定治罪例文等因係爲戢暴安

良起見所議尙屬平允惟查川省匪徒及山東省兗沂曹等處拽刀手等名目在野攔搶聚眾至十人以上被脅同行之犯定例於爲從絞罪上減爲發遣該撫請將捻匪幅匪聚眾至四十人以上者首從各犯分別擬以斬絞於被脅同行一項並未議及未免無所區別且查該撫所議捻匪幅匪強劫搶奪各罪名均係專指已經得財者而言於未經得財各犯未經議及復查

定例強盜未得財首犯發新疆給官兵爲
奴從犯杖一百流三千里與已經得財盜
犯罪各生北懸殊誠以未經得財各犯或
因事主人數較多未能逞其強暴或一聞
兵役捕拏卽行逃散較之不得財不止者
情罪爲輕是以稍寬其罰自應酌定條例
方足以資援引 臣等悉心酌議應請嗣後
山東省拏獲匪犯審有執持器械結捻結
幅情事如係強劫得贓者仍照強盜本律

問擬將案內法無可貸罪應斬決之首從
各犯加擬梟示若行劫未得財仍照定例
問擬其執持軍器聚眾搶奪得贓不論贓
數多寡如數至四十人以上爲首照強盜
律擬斬立決爲從者擬絞監候被脅同行
者發遣新疆給官兵爲奴四十人以下十
人以上爲首擬斬立決爲從發新疆給官
兵爲奴數在五人以上首犯卽照前擬遣
爲從各犯俱實發雲貴兩廣極邊煙瘴充

軍計贓逾貫及另有拽刀等項名目者各照本律例從其重者論其執有軍器聚眾搶奪未經得財如聚眾在四十人以上即比照強盜未得財例首犯發新疆給官兵為奴從犯杖一百流三千里五人以上首犯杖一百流三千里從犯杖一百徒三年其造意之搶首幅首身雖不行但經駁犯搶奪即按人數多寡照為首例問擬若問擬遣軍人犯脫逃回籍復行入搶入幅搶

奪或向原掣兵役尋衅報復除實犯死罪外餘俱絞監候如搶劫未經結搶結幅並聚眾未及五人尙未滋事者仍照本律本例問擬等因具奏奉

旨依議欽此欽遵在案查此條係為嚴懲搶幅匪徒而設倘數年後此風稍息再由該撫奏明仍照舊例辦理應纂輯為例以資引用一廣東省強劫盜犯如有行劫後因賊不滿欲復將事主人等捉回勒贖者無論所糾人數

多寡及行劫次數爲首之犯擬斬立決梟示
恭請

王命先行正法其案内從犯仍按強盜本例科斷

臣等謹按道光二十五年六月內臣部議

覆兩廣總督宗室耆英等奏詳議擄捉窩
家罪名並叅酌本犯治罪各條一摺內稱
捉人勒贖本例內載用強擄捉脅逼上盜
應照強盜律斬決係指強盜將被捉之人
脇逼入夥故罪名應以強盜爲主而捉人

勒贖已在輕罪不議之例近來粵東盜風
尙熾搶劫頻仍竟有獷悍之徒糾夥行劫
得贓不滿所欲因而將事主及事主之親
屬雇工用強捉擄勒贖者其情較恐嚇拒
捕尤爲兇惡因例無專條仍照強盜本律
本例科罪置擄捉事主於不議殊覺不足
蔽辜應請嗣後遇有此等案犯無論糾夥
是否已至四十人及行劫是否三次以上
卽將爲首之犯擬斬立決恭請

王命先行正法梟示其案內從犯仍照強盜本律

例科斷經 臣部照議核覆並聲明此係廣

東一省專例他省不得引用於纂例時將

廣東省字樣載明以免混淆等因具奏奉

旨依議欽此謹纂為例以資引用

刪除

一恭遇

御駕駐蹕

圓明園及

巡幸之處若有匪徒偷竊附近倉廩官廨拒傷官弁

兵丁者如相距

宮牆在一里以內刃傷及折傷以上之首犯斬立

決為從改發極邊足四千里充軍傷非金刃

傷輕平復之首犯改發極邊足四千里充軍

為從杖一百流三千里如在一里以外三里

以內刃傷及折傷以上之首犯絞立決為從

杖一百流三千里傷非金刃傷輕平復之首

犯杖一百流三千里為從杖一百徒三年其

大清律例 刑律七 賊盜 強盜

行竊之罪有重於流徒者各於本例上加拒捕罪二等若拒捕殺死官弁兵丁者無論一里三甲以內首犯擬斬決梟示為從幫毆刃傷及折傷者絞立決傷非金刃又非折傷者絞監候未經幫毆者改發極邊足四千里充軍如值

御駕不駐蹕之日仍照本例行

臣等謹查此條例文從前舊例內載恭遇御駕駐蹕

圓明園及

巡幸之處匪徒偷竊附近倉廩官廨拒傷官弁兵

丁相距

宮牆一里以內刃傷及折傷以上為從發伊犁

給官兵為奴傷非金刃傷輕平復之首犯

發伊犁給官兵為奴若拒捕殺死官弁兵

丁為從未經幫毆者發伊犁給官兵為奴

等語嗣於道光六年十一月內據原任陝

甘總督那彥成奏請調劑新疆遣犯經軍

機大臣會同臣部議將此三項俱改爲改發極邊足四千里充軍奏准纂入例內在案茲道光二十四年六月內據陞任貴州巡撫賀長齡奏請調劑軍犯章程一摺復經軍機大臣會同臣部議請嗣後新疆遣犯各照舊發往等因具奏奉

上諭據軍機大臣會同刑部議奏貴州軍犯擁擠酌減調劑等語新疆遣犯改發內地恐人數眾多不特約束難周且與民風大有關碍非若新

疆地方遼濶外遣人犯易於安插所有舊時改發內地各條著仍照例發往新疆交該將軍設法妥爲安插並嚴飭所屬認真查核嚴加管束毋令滋生事端俾期積久無弊餘依議欽此是新疆遣犯既應照舊發往此三項間發伊犁爲奴之原例現在猶存足資引用此條係屬贅文除應行刪

強盜

原例

一凡用藥迷人已經得財之案將起意為首及
 下手用藥迷人並迷竊為從已至二次及首
 先傳授藥方之犯均照強盜律擬斬立決其
 餘為從者俱改發回城為奴其有人已被迷
 經他人救醒雖未得財將首先傳授藥方轉
 傳貽害及下手用藥迷人之犯均擬斬監候
 入於秋審情實若甫經學習雖已合藥即行

大清律例 刑律七 盜 中

三

強盜

敗露或被迷之人當時知覺未經受累者均發往伊犁等處為奴儻到配之後故智復萌將藥方傳授與人及復行迷竊並脫逃者請旨即行正法其案內隨行為從之犯仍各減一等定

擬

修改

一凡用藥迷人已經得財之案將起意為首及下手用藥迷人並迷竊為從已至二次及首先傳授藥方之犯均照強盜律擬斬立決其

餘為從者俱改發新疆給官兵為奴其有人已被迷經他人救醒雖未得財將首先傳授藥方轉傳貽害及下手用藥迷人之犯均擬斬監候入於秋審情實若甫經學習雖已合藥即行敗露或被迷之人當時知覺未經受累者均發往伊犁等處為奴儻到配之後故智復萌將藥方傳授與人及復行迷竊並脫逃者請

旨即行正法其案內隨行為從之犯仍各減一等定

擬

強盜

原例

一粵東內河盜劫之案除尋常行劫僅止一二次夥眾不及四十人並無拜會及別項重情仍照例分別定擬具題外如行劫夥眾四十人以上或雖不及四十人而有拜會結盟拒傷事主奪犯傷差假冒職官或行劫三次以上或脫逃二三年以後就獲各犯應行斬決者均加以梟示恭請

王命先行正法其情有可原者仍候部覆發遣

一老瓜賊內審有傳授技藝在家分贓者照強

盜窩主造意身雖不行但分贓者斬律擬斬

立決其跟隨學習之人雖未同行俱照情有

可原強盜例免死發遣新疆給官兵為奴如

無學習確證不過僅與賊往來熟識應照知

情不自律杖一百仍令點卯充警

一洋盜案內除被脅接贓瞭望僅止一次者照

例發新疆給官兵為奴外其有接贓瞭望已

至二次者即照二次以上例斬決梟示不應

聲明被脅字樣如投回自首者倘知畏法仍

照接贓一次例改發新疆給官兵為奴

一洋盜案內如係被脅在船止為盜匪服役如

精寫賬等項均以前服役論或事後被誘上船及被脅雞姦

並未隨行上盜者自行投首照律免罪如被

挈獲者均杖一百徒三年未及歲者仍照

律收贖如已經在盜所自行逃回欲行投首尚未到官即被挈獲者仍同自首免

罪若已經到家前不到官呈首其雖經上盜

大清律例 同治九年 強盜

僅止在外瞭望接遞財物並無助勢搜贓情事者改發新疆給官兵為奴

一捕役及防守墩卡或承緝盜案汛兵及各營兵丁為盜雖非造意為首均照造意為首律擬斬立決如捕役兵丁等起意為首者斬決梟示為從者仍擬斬決其有情節重大非尋常行劫可比者該督撫仍酌量案情分別梟示其失察之該管官交部議處如該管官逼勒改供或捏稱革役該管上司不能查出一

併交部照例議處如捕役兵丁分贓通賊及與巨盜交結往來奉差緝拿走漏消息及非伊承緝之案漏信脫逃者不分曾否得財均照本犯之罪治罪若知情故縱者照窩主知情存留例分別治罪如並不知情止係查緝不力者照不應重律科斷

一廣東省強劫盜犯如有已行劫後因贓不滿欲復將事主人等捉回勒贖者無論所糾人數多寡及行劫次數為首之犯擬斬立決梟

示恭請

王命先行正法其案內從犯仍按強盜本例科斷

一八強盜除殺死人命姦人妻女燒人房屋罪犯深重及毆事主至折傷以上首夥各犯俱不准自首外其傷人首盜傷輕平復無論事未發而自首及聞拏投首者俱擬斬監候未傷人之首盜能於事未發時自首者發近邊充軍如係聞拏投首實發雲貴兩廣極邊煙瘴充軍面刺改遣二字至未傷人之夥盜行

劫僅止一次事未發而自首者照律免罪如係聞拏投首於情有可原發遣本罪上減一等似一百徒三年若夥盜曾經傷人及行劫二次以上事未發而自首發近邊充軍如係聞拏投首實發雲貴兩廣極邊烟瘴充軍照前刺字窩家盜線如有自首及聞拏投首者即照未傷人之盜首分別充軍以上各犯遇有脫逃被獲如係近邊充軍加等調發其實發雲貴兩廣者請

旨卽行正法至放火燒人空房及田場積聚等物之
強盜自首依放火故燒本律擬流若計所燒
之物重於本罪者發近邊充軍

一強盜案內有知而不首或強逼爲盜臨時逃
避行劫後眾盜分與贓物以塞其口者照知
強竊盜之後分贓律科斷不得概擬竊主分
贓不行之罪

修改

一粵東內河盜劫除尋常行劫僅止一二次夥

眾不及四十人並無拜會及別項重情仍照
例具題外如行劫夥眾四十人以上或不及
四十人而有拜會結盟拒傷事主奪犯傷差
假冒職官或行劫三次以上或脫逃二三年
後就獲各犯應斬決者均加梟示恭請

王命先行正法

一老瓜賊內傳授技藝在家分贓者照強盜窩
主造意身雖不行但分贓律擬斬立決其跟
隨學習之人雖未同行俱發遣新疆給官兵

為奴如無學習確證僅止與賊往來熟識照
知情不首律杖一百

一洋盜案內接賊瞭望之犯照首盜一例斬梟
不得以被脅及情有可原聲請如投回自首
照強盜自首例分別定擬此外實在情有可
原如十五歲以下被人誘脅隨行上盜仍照
本例問擬

一洋盜案內被脅在船為匪服役如推櫓寫賬
等項均以服
役或事後被誘上船及被脅雞姦並未隨行

上盜者自行投首照律免罪如被拏獲均杖

一百徒三年未及歲仍照律收贖刑已過
在盜所

自行逃回欲行投首尚未到官即被拏獲仍
同自首免罪若已經到家並不到官呈首旋
被拏獲不得
同自首論

一捕役並防守墩卡或緝盜汛兵及營兵為盜
均照律擬斬立決如捕役兵丁起意為首斬
決梟示為從仍擬斬決其情節大重非尋常
行劫可比者該督撫酌量分別梟示失察之
該管官交部議處該管官逼勒改供或捏稱

革役該上司不能查出一併交部議處如捕
役兵丁分贓通賊及與巨盜交結往來奉差
承緝走漏消息及本非承緝走漏消息致令
脫逃者不分會否得財均照本犯一體治罪
知情故縱照窩主知情存留例分別治罪皆
不知情止係查緝不力照不應重律科斷至
書差人等臨時得贓賣放亦照本犯一體治
罪

一廣東廣西二省強劫盜犯如有行劫後因贓
不滿慾復將事主人等捉回勒贖者無論所
糾人數多寡及行劫次數為首之犯擬斬立
決梟示恭請

王命先行正法其案內從犯仍按強盜本律科斷

一凡強盜除殺死人命姦人妻女燒人房屋罪
犯深重及毆事主至折傷以上首夥各犯俱
不准自首外其傷人首夥各盜傷輕平復加
事未發而自首及強盜行劫數家止首一家
者均發遣新疆給官兵為奴係聞拏投首者

大清律例 刑律 盜賊 強盜

擬斬監候未傷人之首夥各盜及窩家盜線
事未發而自首者杖一百流三千里聞拏投
首者實發雲貴兩廣極邊煙瘴充軍面刺改
遣二字以上各犯如將所得之贓悉數投報
及到官後追賠給主者方准以自首論若贓
未投報亦未追賠給主不得以自首論遇有
脫逃被獲新疆遣犯及實發雲貴兩廣人犯
均照例即行正法流犯仍加等調發至放火
燒人空房及田場積聚等物之強盜自首依
放火故燒本律擬流若計所燒之物重於本
罪者發近邊充軍

一強盜案內有知而不首或強逼爲盜臨時逃
避行劫後分與贓物以塞其口與知強盜後
而分所盜之贓數在一百兩以下者俱照共
謀爲盜臨時畏懼不行事後分贓例減一等
杖一百徒三年如所分贓至一百兩以上按
准竊盜爲從律遞加一等定擬一百二十兩
以上仍照例發近邊充軍

原例

一嗣後強盜除殺死人命姦人妻女燒人房屋及毆事主至折傷以上首夥各犯俱不准首外其傷人首盜傷輕平復或雖未傷人行劫已至二次及幫毆有傷行劫又至二次之夥盜果能於犯事之後五日以內捕獲他盜及同伴解官投首者照強盜免死減等例發遣新疆給官兵爲奴如止抱贓自首者擬斬監候未傷人之首盜行劫僅止一次及夥盜會

經傷人或雖未傷人行劫已至二次並窩家盜線果能於犯事之後五日以內捕獲他盜及同伴解官投首者杖一百徒三年抱贓自首發近邊充軍聞拏投首實發雲貴兩廣極邊烟瘴充軍如逾五日限外均不以首論至未傷人之夥盜行劫亦止一次果能於五日限內捕獲他盜及同伴解官或抱贓自首均照律免罪五日限外一月以內捕獲他盜及同伴解官投首者亦免罪抱贓自首杖一百

聞拏投首俱杖一百徒三年一月以外未破案以前捕獲他盜及同伴解官投首者杖六十徒一年抱贓自首發近邊充軍聞拏投首實發雲貴兩廣極邊烟瘴充軍至破案以後均不以首論其分贓而不行者各減行者罪一等俟盜風稍息仍奏明改歸舊例

按刑部議奏御史胡慶源條奏

一嗣後眼線會為夥盜悔罪將同伴指獲致被同夥供出者比照傷人首盜事未發而自首

例擬斬監候如犯事之後五日以內指獲同伴旋被供出獲案審明同夥確有實據者照強盜免死減等例發遣新疆給官兵為奴若並無同夥確據實係盜犯挾恨誣扳者即予免究

按刑部奏准通行

修併

一強盜首夥各犯於事未發覺及五日以內果能悔罪捕獲他盜及同伴解官投首者係傷

人盜犯於遣罪上減一等擬杖一百徒三年未傷人之犯照律免罪若在五日以外或聞拏將他盜及同伴捕獲解官投首者係傷人盜犯於斬罪上減一等杖一百流三千里未傷人盜犯杖一百徒三年至拏獲盜犯之眼線如曾為夥盜悔罪將同伴指獲致被供出者如在五日以外照傷人首盜聞拏投首例擬斬監候若犯事之後五日以內指獲同伴旋被供出獲案審明同夥確有實據者照強

盜免死減等例發遣新疆給官兵為奴若並無同夥確據審係盜犯挾恨誣扳即予免究

續纂

一盜劫之案依強盜已行但得財者不分首從皆斬律俱擬斬立決把風接贓等犯雖未分贓亦係同惡相濟照為首一律問擬不得以情有可原量為末減儻地方官另設各目曲意開脫照詳盜例叅處

一京城大宛兩縣並五城所屬地方盜劫之案

一經審實照律斬決仍加梟示於犯事地方
懸竿示眾以照炯戒俟數年後盜風稍息奏
明仍復舊例辦理

一京城盜案除徒手行強當被拿獲既未得財
又未傷人者仍照舊例辦理外如有持火執
械入室威嚇擲物打人重情雖未得財傷人
兇惡情形業經昭著即將爲首之犯擬絞監
候爲從發雲貴兩廣極邊烟瘴充軍俟數年
後盜風稍息奏明仍復舊例辦理

一川省差役藉傳證起賊等事掃通之案無論
有無牌票但經聚眾執持軍火器械直入人
家擄掠牲畜資財將爲首及幫同動手之犯
均照捕役爲盜例擬斬立決如有擄掠人口
燒燬房屋並拒捕及殺傷人情事加以梟示
其擇肥而噬教賊誣扳因而掃通者身雖不
行仍以爲首論擬斬立決加以梟示同行未
經動手者無論事後曾否分贓均擬斬監候
秋審入於情實兵丁有犯照差役一律擬斷

一用藥及一切邪術迷拐幼小子女如人藥並獲卽比照用藥迷人已經得財例將起意爲首及下手用藥迷人並迷拐爲從已至二次及首先傳授藥方之犯均照強盜律擬斬立決其餘爲從均發新疆給官兵爲奴其或藥已丟棄無從起獲必須供證確鑿實係迷拐有據方照此例辦理若藥未起獲又無確鑿證據仍照尋常誘拐例分別知情不知情科斷。

刪除

一強盜重案除定例所載殺人放火姦人妻女打劫牢獄倉庫干係城池衙門並積至百人以上及響馬強盜江洋大盜老瓜賊仍照定例遵行外其餘盜劫之案各該督撫嚴行究審將法所難宥及情有可原者一一分晰於疏內聲明大學士會同三法司詳議將法所難宥者正法情有可原者發遣新疆給官兵爲奴

一尋常盜劫未經傷人之夥犯如曾經轉糾黨羽持火執械塗臉入室助勢搜贓架押事主送路到案誣扳良民並行劫已至二次及濱海沿江行劫過船搜贓者一經得財俱擬斬立決不得以情有可原聲請其止在外瞭望接遞財物並未入室過船搜贓並被人誘脅隨行上盜或行劫止此一次並無兇惡情狀者仍以情有可原免死發遣新疆給官兵爲奴儻地方有司有心姑息曲爲開脫該督撫

據實題奏交部嚴加議處